



UNIVERSITÄTS-
BIBLIOTHEK
PADERBORN

**Roma Sancta sive Benedicti XIII. Pontificis Maximi &
Eminentissimorum & Reverendissimorum S. R. E.
Cardinalium Viva Virtutum Imago Æri & literis in
perennaturam Virtutum memoriam incisa**

Conlin, Johann Rudolph

Augustæ Vindelicorum, Anno MDCCXXVI

VD18 10209328

No. XXXIX. Joannes Baptista Patritius Romanus.

[urn:nbn:de:hbz:466:1-72633](https://nbn-resolving.de/urn:nbn:de:hbz:466:1-72633)

No. XXXIX.

JOANNES BAPTISTA PATRITIUS ROMANUS.



Oannes Baptista tit. S. S. Quatuor Coronatorum Patritius Romanus Anno 1658. 24. Decembris Romæ vivere cœpit; credo equidem, *Majorum Gentium Dñs Romanum hunc Patritium annumerandum, si non à Romulo, certè ex te, Sacra Roma, oriundum.* Non possum tuos, dum Romanum Hominem dico, Alma Roma, præterire casus; injuriam tibi, procul dubio facerem, si complures alias coñmemorando Urbes, te solam Orbis Dominam, & admirabile incrementum silentio involverem; sed cum integras Fastos impleas, veniam dabis, si uno veluti nucleo, penè infinitam caſuum tuorum illiadem comprehendam. Condita videtur Roma Anno 3251, ab Orbe creato. Asylum in Capitolio aperuit, magnamque perfugarum multitudinem coagit. Extam parvis initii tanta Urbs exstitit. An. ab orbe condito 3616. Romanus exercitus ad Alliam flumen à Gallis ad internationem cœdebatur; & Galli statim urbem, Brennò Duce invadebant, captam ferro, flammamque depopulabantur. Capitolium tamen à Romanis obtinebatur, quod se flos civitatis receperat: nocturna Gallorum irruptio ab anseribus patescata; Hinc illis locus in Capitolio statuebatur; statim abhinc Galli à Camillo Romano tantâ clade cœdebantur, ut ne testis quidem cladis relinqueretur. Anno à Christo nato 66. Nero Tyrannus magnam urbis partem, obscuris ædibus informem, per ludum incenderat, ut Trojæ repræsentaret incendium: incendiis culpam, pœnamque in Christianos transtulit; ex cineribus tamen multò pulchrior Urbs renascebatur. Sub Constantino Magno Roma Sola & perpetua sedes Pontificis evasit; nam Constantinus, Pontificis Romani verecundiâ: Sédem Imperii aliò transferendam ratus, Bizantii in Thraciâ novam Romam condidit: Eamque Constantinopolim suo nomine appellavit. Urbem Romanam cum suo agro à Constantino Pontificibus omnino dono datam fuisse, est, cur affirmem; nam ea donatio consona videtur tanti Principis liberalitati, præsertim sub Monarchiâ: Deinde Francorum etiam Reges hanc possessionem à Longobardis ablata, profesi sunt, se tantum restituere. Anno 410. Alaricus Gotorum Rex (erant hi Barbari, Christiani quidem, sed Arrianismo infecti, ex Septentrionalibus Germaniæ plagiis) Romam improvisò adortus capiebat, diripiebâque: valuit tamen apud Barbarum & Arrianum Regem humanitas & Religio. Civibus temperatum, in testa sœvitum est, templis & Sacris vasis intactis. Ann. 452. Atilla Tyrannus, qui cum quingentis Hunnorum millibus ex Hungariâ egrediebatur.

diebatur, Romanam contendebat; verum Leo Pontifex cognomento Magnus, Barbaro Regi ad Mincium amnum occurrebat, divinaque eloquentia persuadebat, ut conversis repente signis abiret; is paulo postea invadere denuo Italiam moliens, in nuptiali convivio, cum se vino onerasset, ingentem vim sanguinis profudit; ita homo cruoris humani scientissimus, suo cruento suffocatus extinguebatur. Anno 455. Gensericus Vandalorum Rex (juxta Ptolomaeum in Poloniâ & Sarmatiâ usque ad mare Balticum habitârunt) cum trecentenis armatorum nullibus, Italiam intrabat, & Romanam captam per quatuordecim dies diripiebat; Leonis tamen gratiae (Baronio teste) dedit, ut cædibus abstineret. Anno 472. à Recimero Occidentis Tyranno, urbs Romana tertium diripiebatur; sed Recimerus, post 39. dies, saevis corporis cruciatis, extinguebatur. Anno 547. Totila Gotorum Rex, vir non paucis regiis Virtutibus clarus Romanam vi ceperat; & urbem quidem incendebat, sed civibus parcerat; tota siquidem urbe præcones pronuntiare jussit, ut cives à victorum irâ, templorum seâ religione defenserent. Anno 568. iterum Romæ trepidatum; nam Alboinus Longobardorum (gentis è Scandia oriundæ) Rex, pene innumerabiles copias è Pannonia Italiæ infundebat. Mediolano, Ticino, Venetiâ regione, Umbriâ, & Hetruriâ subactis, in eo erat, ut Romanum caput rerum peteret; sed periculum mors ejus discussit; nam cum Rosimundæ conjugi poculum ex patris ejus calvâ rex barbarus porrexisset, justam illi concitavit iram. Itaque vino somnoque gravem obtruncabat. Anno 728. Luitprandus alias Longobardorum Rex Romanam obsidebat; sed Gregorius II. Regem, suum potenterem caput, ulro adibat, infestumque hostem adeo dictis & submissione placaverat, ut ille supplicis Pontificis Romani verecundiâ, seâ ad ejus prosterneret pedes, & Apostolorum corpora veneratus, sine ullo maleficio exercitum reduceret. Anno 752. Aistulphus Longobardorum Rex bello universam invadebat Italiam, & Romanis, nisi se suaque dederent, extrema minitabatur. Pontifex Stephanus II. Pipini auxilium invocaturus in Galliam ibat. - Nunquam ante eam diem major Romani Pontificis potestas visa: Venienti ad tria passuum millia Pipinus obviam processerat, ad ejus conspectum statim equo desilierat, eumque procumbens cum conjugi, liberis, ac regni proceribus excipiebat, cuncto populo cantica occinente; inde Rex equi Pontificii frœnum tenens, ad regiam Pontificem deducebat; & Romæ beneficum sydus futurus, transensis Alpibus, Longobardos profligavit, eosque coegit, ut Urbem Romanam cum vicina regione, & toto Exarchatu (nunc Romaniam vocant) in Pontificis manibus relinquerent, & ablata restituerent. Eam donationem Carolus Magnus, qui ultimum Longobardorum Regem Desiderium, eò quod res ablatas Pontifici restituere abnueret, bis acie viatum debellaverat, non modò confirmavit, sed multò etiam ampliora adjiciebat. Accessit postea Ludovici Pii, Ottonum I. II. & III. irrefragabilis consensus, ut in meridiana luce cœcutiant, aut invidis dentibus cœlum allatrent, quicunque ex extravagantibus humanæ Sapientiae luminibus, contrarium sustinent. Ex eo tempore Ecclesia respirare visa; nisi quod Henrici III. IV. V. & VI. & una Friderici I. & II. (infausta planè orbis Orthodoxi nomina) multos Sacrae Romæ motus dederunt, quæ tamen adversus bruta illa fulmina stabant inconcussa, quia posterioribus illis temporibus ex melioribus nunquam defuerunt, qui laborantis Ecclesiae causam aduersus publicæ pacis perturbatores, defendendam susciperent; donec Anno 1527. Germani tragœdiam Romæ darent, qualem neque à Vandalis aut Gothis ante illam diem unquam experta fuerat. † Quippe Cæsareus miles, longâ inediâ ad quidlibet audendum paratus, Borbonio duce Romam advolabat. Borbonius, qui primus omnium meania scandebat, sclopo, trajectus concidit; reliqui urbem ingressi, Romanam in compitis plebem, sub vexillis ad defensionem collectam aggrediebantur; in quam tam

† Massenius.

tam iñani truculentia insurgebant, ut projecta ad salutem promerendam armæ nec supplicibus profuerint, nec ipsa templi adyta, Sacrorumque Religio fugientes protexerit; sed inter aras Divorum opem, ac hominum miserationem implorantium ora ferro violarentur. Mox etiam ædes, aræque Divorum contemeratae: expugnata virginum juxta ac matronarum, quamvis jurata Deo, hominibusque pudicitia. Principum ac Purpuratorum domus ferro, direptione, incendiisque vastata, nulla nec legatorum quidem reverentia; neque ab ipsis etiam mortuorum sepultis cadaveribus rapaces manus abstinebant, & inexplicabilis avaritia, Hispanorum imprimis, nihil intactum relinquebat; & cum non pauci novitarum per Germaniam Sectarum erroribus aspersi in exercitu reperirentur, inde factum est, ut Sacro Purpuratorum Senatui, ipsisque Pontifici, omni contumeliarum genere illuderetur. Oratorium Pontificium equili aptabant, bullatasque literas eorum tergis substernebant; Lutherum vero adumbrato Patrum Senatu, fictaque suffragiorum imitatione Papam decernebant. Porro tantâ insolentiâ in nobilissimam Domus Vaticanæ Bibliothecam prædabundus miles grassabatur, ut damnum Europæ dederit, omnium eruditorum lachrymis deplorandum: † Ipse Pontifex Clemens tam arcet, miserique in Vaticano, quod confugerat, obsidebatur, ut vetula olera vendens, quod experti Pontifici lactucas aliquot in arcis fossam projecisset, funiculo per puerum submittendas, ante portam à quodam Centurione suspenderetur, oculique ingemiscentis ad ea Pontificis, exposito complures dies infelici spectaculo, everberarentur. Carolus equidem Imperator, ad ejus calamitatem nuntii, publicam luctitiam ob natum Philippum filium editio vetus, & ipse mutata veste justitium atratus indixerat; nec tamen Cæsareus exercitus, amplè prædâ saginatus, antea discessit (nullius enim imperio parebat) quam foedales Divinam Nemesis adesse monstraret. Inter eos belli turbines crevit inclita (ut ad eam redeamus) Patriorum familia. Ea quidem à Primæva origine Senas (vulgò Siena) patriam agnoscit, quæ in mediâ fermâ Tursia sita, inter principes Italæ urbes commemoranda venit. Libera quondam erat, ac latissimo territorio potens civitas; sed eam Cosmus Medicæus Hetruriæ Dux, à Carolo V. adjutus, Anno 1555. in ditionem redigebat; hinc Sennenses, libertate amissa, jugum quidem acceperant; sed sub mitissimâ Medicæorum Familia tutelâ acquiescentes, & captas non sentiunt, cum pars libertatis sit, clementer regi. Hos inter Senenses sub initium Sæculi XVI. præclarus viguit Joannes Patrius, qui prudentiâ sumus meruit, ut Episcopus Gaetanus in regno Neapolitano nuncuparetur: Insignis doctrinæ suæ partus complures libros reliquit; inter eos principem locum tenent, quos de Regno & institutione Regni, nec non de institutione Reipublicæ edidit, dignissimos, qui in Regum & Magnatum manibus perpetuò volvantur, revolvanturque; nam optimam Regiminis normam, non ex Machiavelli Scholâ damnabiles aphorismos venditando, Regibus tradidit. Doctissima illa manuscripta A. 1519. & postea iterum A. 1531. Lutetiæ Parisiorum typis impressa, publicæ luci exponebantur, ut Patrii nominis perpetuum existerent monumentum. Fuit & alius Patrius, Augustinus nomine, qui ex Senensi Canonico Episcopus Pienzæ (quæ urbs Senis proxime adiacet, & Pii II. Patria fuit, adeoque ab eo in Episcopatum evecta) factus. Is apud Pium III. è gente Piccolominea sumâ gratiâ valebat. Antequam Piccolominus Cathedram Petri scanderet, cum eo in Germaniam, Secretarii munere, Patrius veniebat; hinc de Comitiis Ratisbonensibus, eo tempore ibi celebrissimo conventu celebratis, tractatum scripsit: postea Pii Pontificis jussu acta Concilii Basileensis excerptebat. Hoc Consilium à Martino V. Basileæ Anno 1431. inchoatum durabat usque ad Annum 1442. Acta in eo de Sacerdotiis, seu beneficiis & Cenfuris probaverat Nicolaus V. cetera improbavit Concilium Lateranense Sessione II. Idem Patrius præter insignem tractatum de ritibus & Ceremoniis Famianus Strada.

nisi

niis in Capella Pontificis, historias multas, literato orbi utilissimas, conscriptis: cùm calamum perpetuò in manibus haberet, Anno 1496. suis laboribus intermortuus est; vivit tamen in suis libris: Vivit in Eminentissimo Purpurato nostro Joanne Baptista Patriotio, qui doctrinā sumus, majorum suorum absolutam in se imaginem exhibit. Hinc Clementi XI. acceptissimus, Seleuciæ Episcopus denominabatur, quam suam Seleuciam votis complectitur, ubi per Mahometicæ Sectæ superstitionem corporaliter interesse non datur. Seleucia urbs est Syriæ, haud longè ab Orontis Ostio, ubi eum mare Syriacum accipit sita. Haud procul Ecclesiæ Patriarchali Antiochenâ, ubi Anno 39. Divus Petrus primò omnium sedem fundavit, & per septennium rexit; ad discrimen aliarum Urbium, quæ eodem nomine veniunt, Seleucia Pieriae cognominatur; supra eam Urbem est Mons Cassius, cuius excelsa altitudo quartâ vigiliâ orientem per tenebras solem aspicit. Mons est Eminentissimus Purpuratus Joannes Patriotius, cuius in excelso vertice virtutes positæ: Tenebrae sunt Mahometica superstitione. Sol est, Deus Optimus Maximus, qui aliquando illuminabit abscondita tenebrarum, & quandoconque dixerit: *Fiat Lux.* Facta erit Lux; & ut Seleuciam suam illuminatam videat, votis, precibus, obtestationibus Cœlum Fabritius pulsat. Anno 1701. in Regnum Neapolitanum Nuntius Pontificius ibat, ut publicæ utilitati natam Sapientiam expromeret; statim Cardinali Cantelmo Archiepiscopo Neapolitano è vivis excedente, Vicarii munere, dum aliis ejus loco denominaretur, Neapolitanæ Ecclesiæ præfuit. Sed quot motus tunc Alma Parthenope orbi dedit; Quantis cruentata cladibus Neapolis ingemuit? quām providè inter illos turbines Pontificis Ministro utpote partium medio, & veluti sequestro, incedendum erat. Statim Anno 1702. haud satis in tempore pro piâ Austriâ vexilla in urbe Neapolitanâ sustollebant fidelissimorum procerum aliqui, eo luctuoso rerum eventu, ut deprehensi, indigno mortis genere, carnificis ferro colla darent. Eos inter fuerat Carolus de Sangro nobilissimus Dynasta, cuius in ferali pugnate, jam ultimum iustum expectantis, hæc verba excipiebantur: *Carolus III. vivat, & ut Carolus vivat, moriatur Sangrus.* Ejus & Joannis Capeccii Marchionis Loffrani Ossa, Carolus III. rerum per regnum Neapolitanum potitus, humo erui jussit: à nobilissimis procerum in humeros sustollebatur Sandapila, & invisa hostibus pompâ magnifico tumulo Dynastæ inferebantur, digni qui inviolatæ fidei suæ præmia, etiam non sentientes, referrent. Toto illo tempore Joannes Patriotius, partium semper medius, & inimicus nemini, cùm amicus omnibus esset, exstiterat; planè voluntati prudentissimi Pontificis, qui cum iisdem fluctibus luctabatur, omnino satisfaciebat; & Aldobrino Anno 1708. in ea Nuntiaturâ succidente, ærarii Pontificii Generalem Thesaurarium agere coepit, cùm tutò opes traderentur, cui anima negotiorum priùs tradita fuisset. Ipsâ etiam Purpurâ omnium opinione, Solis suis virtutibus commendatus, dignus videbatur; quam proin Anno 1715. 16. Décembbris Romanus Dynasta obtinuit, ut novum Patriæ suæ decus esset & ornamentum. Toto abhinc Triennio in maximè arduis Sacré Romanæ Ecclesiæ munis occupabatur; sed ut suarum etiam virtutum radios in toto latè ambitu diffundideret, ad Ferrariensem Legationem per abitum Julii Piazzæ S. R. E. Cardinalis vacantem in Consistorio secreto habito die 10. Jan. 1718. iis verbis, virutum ejus encomio refertissimis destinabatur. Ferrariensem Legationem, quam dilectus Filius noster Julius S. R. E. Cardinalis Piazza longè ultra Triennium, ad quod ei illa à nobis demandata fuerat, pari cum justitia & prudentia laude administravit, committere nunc intendimus Dilecto pariter filio nostro Joanni ejusdem S. R. E. C. Patriotio; de cuius fide, doctrinâ, rerum usi, probatâque in gravissimis ab eo laudabiliter gestis manneribus plurimum in Dominio confidimus. Ex eo tempore Eminentissimus Patriotius binis Pontificum Electionibus maxima spe sui semper interfuit. Planè si Carolo Magno, à Pontifice Adriano I. in Patriotum Romanum electo (Anastasio, Blondo, Onuphrio, Sigonio, & Baronio testibus) is tituli honor gradum faciebat ad imperium, Eminentissimus noster Patriotius, Nomine & Omine talis, ex Patriotio fieri potest Pater Beatus.